



Vschinauncha da S-chanf

7525 S-chanf



Radunanza cumünela

Bannida / missiva

per la radunanza cumünela in marculdi, ils 1. favrer 2017 a las 20.00 sül palc da la sela polivalenta S-chanf

Stimedas votantas e stimos votants,

La suprastanza cumünela suottametta cotres la bannida e la missiva per la radunanza cumünela dals 1. favrer 2017 ed invida amiaivelmaing da piglier part a quella.

Tractandas:

1. Protocol da la radunanza dals 19 december 2016*
2. Proget da rait da fibra optica da Mia Engiadina, credit fr. 836'000.00
3. Varia

***La documainta per las tractandas sto ad invista/po gnir retratta tar l'administraziun cumünela u es visibla sün l'internet suot: www.s-chanf.ch**

DEUTSCHER TEXT: BÜCHLEIN BITTE UMDREHEN

1. Protocol

Il protocol da la radunanza cumünela dals 19 december 2016 po gnir retrat tar l'administraziun cumünela u es visibel sün l'internet suot: www.s-chanf.ch.

2. Proget rait da fibra optica da Mia Engiadina, credit fr. 836'000.00

Situaziun da partenza:

La cumünanza d'interess « Mia Engiadina » voul s-chaffir a lungia vista üna rait da fibra optica in Engiadina. La rait da fibra vain incabla da traunter Scuol e La Punt d'uraunt la lavur d'incablament da las lingias da forza d'ota tensiun tras la Swissgrid/OEE. Siand che la viafier retica ho già hoz üna lingia da fibra optica activa as pudess realisar tscherts progets già uossa. Il stüdi, chi'd es gnieu elavuro l'an 2015 ho demusso, ch'in nossa vschinauncha pudess gnir realisato il proget bain svelto. Grazia a la buna planisaziun dals schlargiamaints da l'infrastructura staun a disposiziun in nossa vschinauncha püs büschens vöds chi vaun lung ils lös S-chanf, Cinuos-chel e Chapella, büschens in posses da la vschinauncha, büschens da la Repower scu eir da la firma Salzgeber vöds chi vaun per part directamaing illas chesas per realisar ils attachs. Zieva che la radunanza dals 30 avuost 2016 ho deliberato il credit per la planisaziun ho Mia Engiadina suottamiss ün'offerta per realisar la rait principala. Tenor stima s'amuntan ils cuosts a fr. 835'175.00 e la vschinauncha es possessura da la rait principala.

Previs es da cumanzar culla realisaziun da la rait al principi da quista sted a S-chanf e d'uraunt ils ans 2018 e 2019 a las fracziuns. D'uraunt la realisaziun haun ils abitants da S-chanf la pussibilitad da fer l'attach in chesa per üna pauschela da fr. 1'000.00 (scha's fo ün contrat d'abunamaint). Scha's vulesse fer l'attach pü tard schi s'amuntan ils cuosts tenor expensas.

Impü es eir previs da fer staziuns da W-Lan public in vschinauncha, uschè che füssans üna da las prümas vschinaunchas in Engiadina chi realisesse quista nouva tecnica.

La pü nouva tecnica da communicaziun es sgür üna buna ed in mincha cas ün'attractiva spüerta per las firmas e pels abitants sül territori cumünel da S-chanf.

Proposta:

La supranza propuona a la radunanza cumünala da deliberar il credit ill'otezza da fr. 836'000.00 per invier il proget.

S-chanf, ils 30.01.2017

La supranza cumünala

Il president:	G. Largiadèr
L'actuar:	P. Mayer